

ქ. თბილისი

18 დეკემბერი 2018 წ.

1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „შემსყიდველი ორგანიზაცია“ (შემდგომ „შემსყიდველი“) ნიშნავს ორგანიზაციას, რომელიც ახორციელებს შესყიდვას;
- 1.2 „მიწოდებელი“ ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ;
- 1.3 „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.4 „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული.

2. ხელშეკრულების დამდები მხარეები

2.1 ერთის მხრივ, სსიპ საქართველოს მუნიციპალური განვითარების ფონდი (შემდგომში - „შემსყიდველი“) წარმოდგენილი მისი აღმასრულებელი დირექტორის გიორგი შენგელიას სახით და მეორეს მხრივ შპს მოზაიკა პლიუსი (შემდგომში - „მიმწოდებელი“) წარმოდგენილი მისი დირექტორის სალომე კობალაძის სახით, „სახელმწიფო შესყიდვების შესახებ“ საქართველოს კანონის 10¹ მუხლის მე-3 პუნქტის „ვ“ ქვეპუნქტის თანახმად, გამარტივებული შესყიდვის საშუალებით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე.

3. ხელშეკრულების საგანი და ხელშეკრულების ღირებულება

- 3.1 წინამდებარე ხელშეკრულების საფუძველზე მიმწოდებელი იღებს ვალდებულებას მიაწოდოს შემსყიდველს 32 სასაჩუქრე სეტი (ქილა 6 ცალი პეჩენით, შოკოლადის ჩირის ნაკრები, არტიზანის ხელნაკეთი შოკოლადების ნაკრები 10 ცალიანი, წითელი ნახევრად ტკბილი ღვინო, თეთრი მშრალი ღვინო--შარონე, ქართული სუფრა, ჩურჩხელა, მეფუთული სასაჩუქრე ლურჯ ყუთში (CPV15800000) - შემდგომში „საქონელი“, ხოლო შემსყიდველი იღებს ვალდებულებას მიიღოს აღნიშნული საქონელი და უზრუნველყოს ანგარიშსწორება წინამდებარე ხელშეკრულებით გათვალისწინებული პირობების შესაბამისად.
- 3.2. სასაჩუქრე სეტის ერთეულის ფასი შეადგენს 155,43 ლარს.
- 3.3. მთლიანი სახელშეკრულებო ღირებულება მიმწოდებლისთვის საქართველოს კანონმდებლობით გათვალისწინებული ყველა გადასახადის ჩათვლით შეადგენს 4973,76 (ოთხი ათას ცხრაას სამოცდაცამეტი ლარი 76 თეთრი) ლარს, მათ შორის დღგ-ს ჩათვლით (შემდგომში - „ხელშეკრულების ღირებულება“).

4. შესყიდვის ობიექტის მახასიათებლები

4.1. შესასყიდი საქონელის ხარისხი უნდა აკმაყოფილებდეს შემსყიდველის მოთხოვნებს.

5. საქონლის მიწოდების პირობები

- 5.1 საქონლის მიწოდება განხორციელდება 2018 წლის 25 დეკემბრამდე.
- 5.2 საქონლის მიწოდების ადგილი: ქ.თბილისი, დავით აღმაშენებლის გამზირი #150.

6. შესყიდვის ობიექტის მიღება-ჩაბარების წესი

- 6.1. საქონელი ჩაითვლება მიღებულად მიღება-ჩაბარების აქტის საფუძველზე, ფაქტიურად მიწოდებული საქონლის შესაბამისად.
- 6.2. შემსყიდველის მხრიდან საქონლის მიღებაზე უფლებამოსილი პირი არის სსიპ საქართველოს მუნიციპალური განვითარების ფონდის საზოგადოებასთან ურთიერთობის სამსახურის უფროსი ილონა ხვიჩია.

7. ანგარიშსწორების პირობები

- 7.1 ანგარიშსწორების ფორმა იქნება უნაღდო ანგარიშსწორება ლარებში.
- 7.2 ანგარიშსწორება განხორციელდება მიმწოდებლის საბანკო ანგარიშზე.
- 7.3 ანგარიშსწორება მიმწოდებელთან განხორციელდება ფაქტიურად მიწოდებული საქონლის ღირებულების შესაბამისად.
- 7.4 ანგარიშსწორება მიმწოდებელთან განხორციელდება მხარეთა შორის გაფორმებული მიღება-ჩაბარების აქტის, სასაქონლო ზედნადებისა და საგადასახადო ანგარიშგაქტურის საფუძველზე, დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში.

8. მხარეთა ვალდებულებები

8.1. მიმწოდებელი ვალდებულია:

- 8.1.1. შემსყიდველს მიაწოდოს საქონელი წინამდებარე ხელშეკრულების პირობების შესაბამისად და უზრუნველყოს თანმხლები დოკუმენტაციის წარდგენა;
- 8.1.2. მიაწოდოს შემსყიდველს უფლებრივად და ნივთობრივად უნაკლო საქონელი;
- 8.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;
- 8.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;

8.2. შემსყიდველი ვალდებულია:

- 8.2.1. დაფინანსების წყაროთი გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დროული და სრული დაფინანსება.
- 8.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

9. მხარეთა უფლება

9.1 მიმწოდებელს უფლება აქვს:

- 9.1.1 ხელშეკრულების ფარგლებში მოითხოვოს დროული და სრული დაფინანსება.

9.2 შემსყიდველს უფლება აქვს:

- 9.2.1 აწარმოოს ხელშეკრულების პირობების შესრულების მონიტორინგი.
- 9.2.2 უარი განაცხადოს უხარისხო საქონლის მიღებაზე.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, დაფინანსების წყაროს მკვეთრი შემცირებით და სხვა.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების პირობების და ფასების გადასინჯვა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.2 წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

11.3 ხელშეკრულების პირობების ნებისმიერი ცვლილება უნდა გაფორმდეს „შეთანხმების“ სახით, რომელიც ჩაითვლება ხელშეკრულების განუყოფელ ნაწილად.

12. სადაო საკითხების გადაწყვეტა

12.1 შემსყიდველმა და მიმწოდებელმა ყველა დონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

14. ხელშეკრულების პირობების შეუსრულებლობა

14.1 ხელშეკრულებით ნაკისრი ვალდებულებების არაჯეროვნად შესრულების ან შეუსრულებლობის შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,05%-ის ოდენობით, ყოველ ვადაგადაცილებულ დღეზე.

14.2 საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

14.3 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, მეორე მხარეს უფლება აქვს შეწყვიტოს ხელშეკრულება.

15. ხელშეკრულების შეწყვეტა

15.1 ხელშეკრულება შეიძლება შეწყვეტილ იქნეს:

15.1.1 მხარეთა შეთანხმებით;

15.1.2 ხელშეკრულების 14.3 პუნქტით გათვალისწინებულ შემთხვევაში.

15.1.3 საქართველოს მოქმედი კანონმდებლობით გათვალისწინებულ სხვა შემთხვევებში.

16. ინსპექტირების პირობები

16.1 ხელშეკრულების შესრულების კონტროლს განახორციელებს ხელშეკრულების 6.2 პუნქტში აღნიშნული შემსყიდველის წარმომადგენლები.

16.2 კონტროლის განახორციელებელი პირის ფუნქციები:

16.2.1 მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა;

16.2.2 მიღება-ჩაბარების აქტის გაფორმება;

16.2.3 საქართველოს მოქმედი კანონმდებლობით გათვალისწინებული სხვა ღონისძიებების განხორციელება;

17. ხელშეკრულების მოქმედების ვადა

17.1 წინამდებარე ხელშეკრულება ძალაში შედის მხარეთა მიერ ხელმოწერისთანავე და მოქმედებს 2019 წლის 31 იანვრის ჩათვლით.

18. განსაკუთრებული პირობები

18.1 ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს.

18.2 ხელშეკრულების ერთი ეგზემპლარი ინახება „შემსყიდველთან“ ერთი ეგზემპლარი „მიმწოდებელთან“

“შემსყიდველი”
სსიპ საქართველოს მუნიციპალური
განვითარების ფონდი
ს/კ 206074193
ქ.თბილისი, აღმაშენებლის გამზირი N150
სახელმწიფო ხაზინა;
ხაზინის ერთიანი ანგარიში;
ბანკის კოდი: TRESGE22;

„მიმწოდებელი“
შპს "მოზაიკა პლიუსი"
ს.კ : 205261107
ქ. თბილისი, მცხეთის ქ., №1
სს " საქართველოს ბანკი"
BAGAGE22,
ანგ: GE97BG000000880457200



Handwritten signatures and initials in blue ink at the bottom of the page.

MOZAIKA**ანგარიში # 12/035**

თარიღი: 12/11/2018

#	აღწერა	რაოდენობა	ერთეულის ღირებულება ლარი	სრული ღირებულება ლარი	
1	სასაჩუქრე სეტი (ქილა 6 ცალი პეჩენით, შოკოლადის ჩირის ნაკრები, არტიზანის ხელნაკეთი შოკოლადების ნაკრები 10 ცალიანი , წითელი ნახევრად ტკბილი ღვინო, თეთრი მშრალი ღვინო--შარონე, ქართული სუფრა, ჩურჩხელა , შეფუთული სასაჩუქრე ლურჯ ყუთში	32	155.43	4973.75	
			ჯამი :	4973.75	
			მათ შორის დღგ 18%	758.71	
	ოთხი ათას ცხრაას სამოცდაცამეტი თეთრი	ლარი და 75		4973.75	GEL

შპს "მოზაიკა პლიუსი"
ს.კ : 205261107
სს " საქართველოს ბანკი"
BAGAGE22
ანგ: GE97BG000000880457200





საქართველოს მუნიციპალური განვითარების ფონდის აღმასრულებელ დირექტორს
 ბატონ გიორგი შენგელიას
 ამავე ფონდის საზოგადოებასთან ურთიერთობის სამსახურის უფროსი სპეციალისტის
 ანა აროშიძის

მოხსენებითი

ბატონო გიორგი,

საახალწლოდ საქართველოს მუნიციპალური განვითარების ფონდის დონორებს ვუგზავნით საჩუქრებს, რომლებიც შეფუთული იქნება სასაჩუქრე ლურჯ ყუთებში: ქილა 6 ცალი პეჩენიით, შოკოლადის ჩირის ნაკრები, არტიზანის ხელნაკეთი შოკოლადების ნაკრები 10 ცალიანი, წითელი ნახევრად ტკბილი ღვინო, თეთრი მშრალი ღვინო-შარონე, ქართული სუფრა, ჩურჩხელა. თითო სასაჩუქრე სეტის ღირებულებაა 155.43 ლარი. სულ შესაძენია 32 ცალი სეტი.

საჭიროა ფონდის ბიუჯეტიდან გამოიყოს 4973.75 ლარი. გთხოვთ განახორციელოთ შესყიდვის პროცედურები.

პატივისცემით,

ანა აროშიძე

საზოგადოებასთან ურთიერთობის უფროსი სპეციალისტი

საზოგადოებასთან ურთიერთობის სამსახური